

SETLHA SA MOTŠHELO SE THOMILE BAKENG SA BADIRIŠI BA EFILE LE BA SARS MOBIAPP

PRETORIA, Mošupologo 1 Julae 2019 – Letsogo la Tona ya Ditšhelete, Dr David Masondo, le Khomišinare wa Ditirelo tša Motšhelo tša Afrika Borwa (SARS), Mrn. Edward Kieswetter, ba tlhomile Setlha sa Motšhelo sa 2019 bakeng sa molefelatšhelo bao ba dirišago dikanale tša ditšitale tšeo di mpshafaditšwego, elego eFiling le SARS MobiApp.

Dikaonafatšo tša tlaleletšo le diphegogo bakeng sa Setlha sa Motšhelo sa2019

Go diphetogo tše kgolo go tloga megwageng ya go feta, tša go kaonafatša ditirelo go balefela motšhelo le go tlhohloletša fetogelo ya go faela ka inthanete, Setlha sa Motšhelo sa 2019 se pitlantšwe.

Se se dumelela balefela motšhelo go diriša SARS eFiling le SARS MobiApp bakeng sa *di-smart phone* le *di-tablet*, tša bona go faela dipušetšo tša motšhelo go tloga lehono (1 Julae) go fihlela ka la 4 Disemere 2019. Balefela motšhelo bao ba lakatšago go faela ka inthanete la mathomo, b aka ingwadiša go tloga ka la 1 Julae.

Balefela motšhelo bao ba nyakago go faela dipušetšo tša bona tša motšhelo wa letseno go lekala la SARS ba ka dira bjalo go tloga ka la 1 Agostose go fihlela ka la 31 Oktobore 2019, ka nako e kopana kudu go feta yeo e dumeletšwego bakeng sa badiriši ba SARS eFiling le SARS MobiApp.

Kaonafatšo y a dikanale

SARS e tsebagaditše dilo tše dimpsha go dikanale tša yona tša ditšitale bakeng sa Setlha sa Motšhelo sa 2019. Se se akaretša ditirelo tše mpsha go SARS MobiApp bakeng sa *di-smart phone* le *di-tablet*, bjale ka go ngwadiša go eFiling, go hwetšagape *username* le go dira *password* gape, go romela pušetšo le go diriša khemera go louta ditokumente, gpe le go dira tlhakantšho ya motšhelo.

SARS gape e mpshafaditše eFiling kudu go nolofatša tirišo ya yona.

Bakeng sa Julae, SARS Contact Centre e tlo thoma go ša go tloga ka 8am go fihla ka 6pm mo bekeng, gomme se se laetša diiri tša tlaleletšo tša mošomo.

Morumo wa letseno

Palo ya letseno yeo batho ka noši ba swanetšego go lefela motšhelo e fetošitšwe. Khomišinare wa SARS o laeditše gore sebaka sa 1 Matšhe 2018 - 28 Feberware 2019, palo e be e leR78 150 bakeng sa bagodi ba letseno ba ka fase ga mengwaga ye 65.

Le ge go lebjale, se ga se re gore balefela motšhelo ka moka bao ba lefelago motšhelo ba tlamega go romela dipušetšo tša motšhelo wa letseno.

Kheraetheria ya thomelo

Balefela motšhelo ga ba hloke go romela dipušetšo tša motšhelo wa letseno ge eba ga ba fihlelele dikheraetheria tše di latelago:

- Palomoka ya letseno ka moka la mošomo bakeng sa ngwaga pele ga motšhelo ga le fete R500 000
- Ba amogela fela letseno la mogolo go tšwa go mongmošomo o tee bakeng san gaga ka botlalo wa motšhelo
- Ga ban a mokgwa o mongwe wa letseno (mohlala, putšetšo ya sefatanaga, letseno la kgwebo, le letseno la go renta, tswala ya go tšhelelwa goba letseno go tšwa go mošomo o mongwe)
- Ga ba na dikgogelo tše dingwe tša tlaleletšo tša go nyalelana le motšhelo wa dipušetšo wo o ka kleingwago (mohlala, ditshenyagelo tša kalafi, dikabelo tša go rola modiro le ditshenyagelo tša maeto).

Balefela motšhelo bao ba sa hlokego go faela ba tla amogela tlhakantšho ya go etšišwa go tšwa SARS ka SMS go ya ka tshedimošo yeo e filwego go SARS ke bengmešomo le methopo e mengwe. Dipelo di tla laetša balefela motšhelo seo ba ka se letelago e be e ke ba faetše pušetšo ka bobona. Balefela motšhelo ba ka amogela poelo ya tlhakantšho gob aba romele pušetšo le diphetogo tšeo ba nyakago go di dira.

Dikgato tša tiišetšo Mola SARS e tšeere magato a go nolofatša obamelo, e rata go letša boteng bja yona mabapi le diphetogo tše di latelago, gomme e tiišetša gore bao ba sa obamelego maitekelo a yona boikgafo bja go tiišetša molao ka go phošolla maitshwaro ao a latelago:

1. Dipušetšo tša motšhelo tše di šaletšego le tšego di latetšwego di dula e le tlhoba boroko gomme SARS e tla thatafatša tiišetšo ya dikotlo mabapi le se. Balefela motšhelo ba bantši ga ba laodiše letseno la bona la motšhelo la rente go tšwa go dintlo tša bona gomme re tla kaonafatša data ya rena ya go bapetša se ka go diriša le Ofisi ya Phetišetšo ya dintlo. Papetšo ye e tla re dumelela go kaonafatša tiišetšo ya go se obamele ka go taodišo ya Motšhelo wa Dipoelo tša Matlotlo (CGT).

2. Re tla kaonafatša nepo y arena ka go lebeledišiša letseno le ditshenyagelo go tšwa go bagodi ba Khomišene

3. Re tloga re tshwenyegile kudu ka netefalo ya ditaodišo tša Diphatlalatšo go ya go le go tšwa go Ditrasete go ba amogedi ba baholegi

4. Re lemogile gore Bašoma ka Motšhelo ba tshepiša balefela motšhelo ka mokgwa wo o sego molaong gore ba tla dira gore ba hwetše tefelo morago. Gomme ba lebelela matsha a gore ba se laodiše letseno ka moka goba ba laodiše ditshenyagelo tša go feta tekanyo. Se ke bosenyi bjo bogolo kudu gomme bo ka lebiša go dikotlo tša bosenyi gammogo le ditlamorago tša ditšhelete bakeng sa molefela motšelo yo a dulago a na le maikarabelo go SARS bakeng sa dithomelo tša bona.

5. Dipušetšo tša tšhelete tša bonokwane di a kleingwa bakeng sa ditshenyagelo tša maaka le ditahlegelo, gammogo le bengmešomo ba bomenetša ba go dira di-IRP5 bakeng sa morero wa go kleima dipušetšo tša tšhelete.

6. Baforetši ba faela dipušetšo tša go ata to hwetša matsha a tefelomorago ya tšhelete, gammogo le digongwana tša go dirišagape di-IRP5 go rapalala le katišo ya batho ka noši.

7. Re šoma ka maatla go kaonafatša go tshephagala ga bokgoni bja rena bja go laetša tirišo ya mmotlolo wa kotsi le go oketša data yeo e beilwego. Ngwagola SARS e thibetše dipušetšo tša bomenetša tša go feta R8.2bn gore di se lefelwe

8. Gabjale re dutše re šomišana le bobedi SAPS gammogo le NPA go otlala baforetši gomme go bile le dikatlego tša ditatofatšo tše mmalwa tša balefala motšhelo ba go se obamele. Gape re latofaditše bašomedi ba bangwe ba rena ka katlego bakeng sa go dirišana gampe le balefela motšhelo.

9. Re tlhomile nepo yeo e mpshafaditšwego go Batho ka noši bao ba Amogelago Tšhelete e ntši (HNW) ba beakanya merero ya bona ka mekgwa ya go tlhakatlhakana, gantši ba tlhagiša obamelo e kotsi go SARS.

SARS e sa ntše e ipiletša gape go bengmešomo gore ba ngwadiše bašomi ba bona. Banyaki ba mešomo ga ba hloke go tla go lekala la SARS go ngwadiša.